

<i>Dependencia</i> CIR.- Mobilidade e Seguridade Cidadá 317.- MMOBE		
<i>Documento</i> CIR11I0EQ	<i>Expediente</i>	<i>Fecha</i> 17-02-17 13:50

Asunto

HABILITACIÓN DE IRMANS GOMEZ COMO
APARCAMENTO DE RESIDENTES DO CASCO
HISTÓRICO

Interesado y Localización de la Actividad

CONCELLO

15078DCIR11I0EQ]

² 15078DCIR11I0EQ] \$»

² 15078DCIR11I0EQ] \$»

DECRETO.- Santiago de Compostela, 17 de febreiro de 2017

A Ordenanza de Circulación e Uso da Vía Pública, dispón no seu artigo 35.-

O Concello establece as medidas de estacionamento limitado co fin de garantir a rotación dos aparcamentos, a protección do patrimonio histórico, no seu caso, así como de outros usuarios da vía pública.

2.- Queda eliminado o aparcamento de vehículos nas rúas incluídas dentro do perímetro peonil, agás os residentes, que poderán acceder á zona entre as 20.30 e as 8.30 en días laborables, nos meses de setembro a maio, e entre 21.30 e 8.30, nos meses de xuño, xullo e agosto, e ata as 10.30 horas en festivos. Os residentes poderán aparcar o seu vehículo nunha das zonas sinaladas para facelo nas seguintes rúas e prazas: praza de San Miguel dos Agros, praza da Inmaculada, de Salvador Parga, de Cervantes, rúa Travesa, rúa de Entremuros, avenida de Raxoi e Algalia de Abaixo.

3.- Para os efectos deste artigo, os residentes na zona peonil deberán solicitar no departamento de Tráfico a oportuna tarxeta, na que se lles sinalarán os puntos de entrada e saída. Poderán obter a acreditación de residentes permanentes as persoas físicas que reúnan os requisitos que a continuación se sinalan:

- a) Que o seu domicilio segundo o padrón municipal de habitantes estea dentro da zona peonil.*
- b) Que acrediten a titularidade do vehículo mediante permiso de circulación e o DNI, dos que deberá presentar orixinal ou copia compulsada e entregar fotocopia.*
- c) Que acrediten estar ó corrente do pagamento do imposto de vehículos de tracción mecánica no Concello de Santiago.*
- d) Non ter pendentes de pagamento multas de tráfico por resolución firme deste Concello.*

4.- As persoas que por razóns de enfermidade ou minusvalía e outros cidadáns que con motivos xustificadas precisen acceder a esta zona fóra do horario ou en condicións diferentes das establecidas, deberán solicitalo no departamento de Tráfico do Concello, que, tras as comprobacións oportunas, poderá autorizalo coas condicións que se sinalen na correspondente tarxeta acreditativa.

Pola súa banda, o artigo 33.8 do mesmo texto legal dispón que:

A autoridade municipal poderá fixar zonas na vía pública para estacionamento ou para utilización como paradas en liña de autobuses tanto de servizo urbano como interurbano.

En base a esta habilitación legal, o Concelleiro Delegado de Medio Ambiente e Convivencia, por delegación do Alcalde, acordou o 24 de maio de 2016, habilitar de xeito provisorio as Prazas da Prazas da Algalia de Abaixo, de San Clemente e a rúa Costa Vella, como zonas de aparcamento de residentes do casco histórico, coas mesmas condicións previstas no artigo 35 da Ordenanza de Circulación e Uso da Vía Pública, que serán compatibles con as que agora están establecidas no meritado artigo e con carácter transitorio ata que se leve a cabo a modificación da Ordenanza, intre no que se procederá a estudar as ubicacións máis axeitadas para o aparcamento de residentes do casco histórico, incorporandoas a nova regulación.

<i>Dependencia</i> CIR.- Mobilidade e Seguridade Cidadá 317.- MMOBE		
<i>Documento</i> CIR11I0EQ	<i>Expediente</i>	<i>Fecha</i>

17-02-17 13:50

Con esta mesma finalidade e nas mesmas condicións acordase agora incorporar unha nova zona de estacionamento para residentes na Praza Irmáns Gómez, na que poderán estacionar os vehículos dos residentes que dispoñan do distintivo, nas mesmas condicións previstas no artigo 35 da Ordenanza de Circulación e Uso da Vía Pública, en horario de 21:30 a 20:30 a 78:30 horas, en días laborables, nos meses de setembro a maio; e entre 21.30 a 8:30 horas, nos meses de xuño, xullo e agosto; e ata as 10:30 horas os festivos.

FUNDAMENTOS XURIDICOS

1.- Ao abeiro do disposto no artigo 124.4.ñ) da Lei 7/85 de RBRL na redacción dada pola Lei 57/2003 de medidas para a modernización do goberno local e a Lei 4/2004 do 28 de xuño do Parlamento de Galicia, que establece no seu artigo 1 a aplicación ó Concello de Santiago do disposto na lexislación estatal, anteriormente sinalada, o Alcalde é competente para ditar a resolución que se interesa. Asemade, de conformidade co disposto no artigo 124 da Lei 7/85 na redacción dada pola Lei 57/03, por acordo de 16 de xuño de 2015, o Alcalde delega no concelleiro que asina a competencia que se interesa.

2.- Vistos os preceptos correspondentes do Real Decreto 1428/2003, de 21 de novembro, polo que se aproba o Regulamento de Circulación para a aplicación e desenvolvemento da Lei sobre Tráfico, Circulación de Vehículos a Motor e Seguridade Vial, aprobado por Real Decreto Lexislativo 339/1990, de 2 de marzo, coas súas modificacións posteriores para a regulación dos usos das vías urbanas e, en derradeiro lugar a Ordenanza de Circulación e Uso da Vía Pública.

RESOLVO:

HABILITAR de xeito provisorio a Praza Irmáns Gómez, como zonas de aparcamento de residentes do casco histórico, coas mesmas condicións previstas no artigo 35 da Ordenanza de Circulación e Uso da Vía Pública e con carácter transitorio ata que se leve a cabo a modificación da Ordenanza, intre no que se procederá a estudar as ubicacións máis axeitadas para o aparcamento de residentes do casco histórico, incorporandoas a nova regulación.

Os residentes que desexen utilizar esta nova zona de aparcamento deberán solicitar a modificación do seu distintivo no departamento de tráfico, xustificando que seguen a cumprir os requisitos esixibles para a súa concesión.

Dárase a debida publicidade a este acordo, insertando anuncio en dous xornáis de maior difusión para xeral coñecemento da cidadanía e na páxina web do Concello.

Notifíquese o presente decreto ós interesados e ós demais negociados, seccións e servizos correspondentes

O CONCELLEIRO DELEGADO DE MEDIO AMBIENTE E CONVIVENCIA

Xan Xesús Duro Fernández